

Ngadani Bêndungan Tirtaswara, Pigeaud, 1953, #1458

Katalog : Ngadani Bêndungan Tirtaswara, Pigeaud, 1953, #1458

Sambung : -

Ngadani Bêndungan Tirtaswara

1. Sinom

1. ginita sêkar srinata | Jêng Gusti Pangran Dipati | Arya Amangkunagara | ping
sakawan kang piniji | ajudhan mirungganing | Nèdêrlan Jêng Sang Aprabu | Ridêr
ing Ordhê môngka | Nèdêrlan Sêleyo nami | kolnèl saha komandhan lesiyunira ||

2. ing nagari Surakarta | têtênging karaton Jawi |

--- 2 : 7 ---

kang cinitra ari Soma | tri wêlas kang sitarêsmi | Ruwah ing môngsa kalih | taun
Dal sangkalanipun | muji mugi luhura | sariranira jêng gusti |[1] lêstantuna galih
mring kawulanira ||

3. kang asring kirangan têtaha | Sêmbuyan kang urut wukir |[2] margi datan
antuk toya | kang kinarya têtgil sabin | mangkana kangjêng gusti | emut kala taun
sèwu | pitung atus kalawan | pitung dasa sirah kalih | maksih nama Nararya
Gôndakusuma ||

4. kaptin myang ajudhanira | Jêng Gusti Pangran Dipati |

--- 2 : 8 ---

Mangkunagara ping tiga | dinuta ngatêr Walandi | Litnan Kolnèl Samawis | Tuwan
Bustis namanipun | yeka komandhanira | militèr apdhèling kalih | mring
Sêmbuyan dumugi watês Pacitan ||

5. samana sawangsulira | ing Watês kinèn ngêntosi | anèng Kakap tigang dina |
tuwan badhe wangsul malih | wau dènnya ngêntosi | salêbêting tigang dalu | yèn
siyang alêlana | lêngên imbanging ardi | amariksa ingkang anèh kawistara ||

6. panuju sawiji dina | mulat luwêng graning ardi | gumrènjèng ing swaranira |
saking pangintêning galih |

--- 2 : 9 ---

punika èstu warih | grojogan tumibèng kêdhung | ngumandhang kapiyarsa | iline
tan katon mijil | duk samana tan ginalih karyanira ||

7. dupi mangke Dèn Mas Arya | Gôndakusuma gumanti | panjênênganing kang
raka | Jêng Gusti Pangran Dipati | Mangkunagara swargi | ingkang kaping tiga
wau | ugi nunggil kang asma | Jêng Gusti Pangran Dipati | Arya Mangkunagara
kaping sakawan ||

8. samana wêdaling karsa | anggalih mring wadya tani | ingkang dèrèng angsal
toya | Sêmbuyan kang urut wukir | ing mangke kangjêng gusti | dhawuh mring
wadanipun |

--- 2 : 10 ---

Dèn Mas Wiraasmara | kinèn bubuk ardi alit | sakidule margi dhatêng ing Pacitan
||

9. Luwêng Grènjèng wistanira | ing nguni ingkang ginalih | lêbêt wontên toyanira
| bokmanawi sagêd mijil | kenging kaangge sabin | dhatêng tiyang dhusun ngriku
| samana linaksanan | dhawuhira kangjêng gusti | èstu toya mijil saking jroning
guwa ||

10. nanging amblês dhawahira | mring luwêng mili tan mijil | dadya mangke
pinêpêtan | kang luwêng dupi wus radin | toya tandya umijil | wêning ngalèbi
tumuruh | mring têgal pasabinan | satus bau winatawis |

--- 2 : 11 ---

têmah suka kang sami kacakan toya ||

11. Radèn Mas Wiraasmara | tur uninga ing jêng gusti | lamun pambubaking arga
| ing grènjèng wus dèn lampahi | sèstu mijil kang warih | tigang kaki wiyaripun |
pitung dim kandêlira | kinintên bilih lastari | angalabi sabin gadhu satus karya ||

12. jêng gusti duk amiyarsa | saklangkung sukaning galih | kadugèn
pangèsthinira | sigra kinèn animbali | sakèhe kang tuk kardi | para pangagênging
dhusun | kang bawah Giritôntra | datan lami sampun prapti | Tuwan Santi
sêpèktur ing pangkatira ||

--- 2 : 12 ---

13. Sêmbuyan lawan Wiraka |[3] rêdi kilèn Selagiri | Tuwan Portir kang minôngka
| juru pamadiking warih | ngiras atministratir | Ngeramaka kang dinunung |
panèwu Giritôntra | Pôncasandika Ngabèi | Rôngga Grènjèng sabawah rerehanira
||

14. wus kerid nèng ngarsanira | Jêng Gusti Pangran Dipati | Radèn Mas
Wiraasmara | kinèn dangu Tuwan Santi | paran tingkahing nguni | duk murwani
bubak gunung | kongsi mijil têtoya | aturira Tuwan Santi | sangêt dènnya rêkaos
pambubakira ||

15. amargi sadaya sela |

--- 2 : 13 ---

parang rèjèng sêngkil curi | galotha tan wontên sêla | mila panambute lami |
panuju antuk margi | wontên satunggal kang purun | kabayan narakarya | nekat
brangkang anglêbêti | kancanira lajêng purun manjing samya ||

16. pitu lawan rangganira | bêkta colok anggagapi | nurut sapanjanging guwa |
dupi judhêg tanpa margi | miyak grojogan kalih | sami mijil saking luhur | nuntên
wangsul umêdal | wus waspaos gèn kang gampil | amêdalna toya kang anèng jro
guwa ||

17. nulya binêdhah kang arga | sinusuk têmah ngalèbi | dhatêng sabin ara-ara |
satus bau winatawis |

--- 2 : 14 ---

duk myasa kangjêng gusti | kamantyan ing sukanipun | alon wijiling sabda | Jêng
Gusti Pangran Dipati | Wirasmara dhawuhna mring kancanira ||

18. ingkang padha antuk karya | abangêt tarima mami | miwah mring sira
priyôngga | apadene Tuwan Santi | kalawan Tuwan Portir | kang waskitha tusing
ranu | nulya samya ginanjar | curiga arta hêrloji | myang busana waradin kang
antuk karya ||

19. lawan sami winisudha | anyêntèg pangkating linggih | rôngga minggah dadya
dêmang | patinggi ingkang gumanti | bêkêl minggah patinggi | kabayan bêkêl
kang lungguh |

--- 2 : 15 ---

wus turut pangkatira | lan rêdi pinaring nami | ingaranan ing bukit Tirtasuwara ||

20. mangkana ing purwanira | duk mirsa ananing warih | tuwin luwêng guwa-
guwa | myang sela kang warni-warni | karya ompak pandhapi | ing ngriku
jalaranipun | mila ing sapunika | karsa dalêm kangjêng gusti | pra manggala
kinèn ngudi tusing toya ||

21. kang supadi mêwahana | upajiwaning wadyalit | lan tan kirang sandhang
têdha | jênak dènnya bale panti | rêna mêngku nak rabi | suka têntrem
manahipun | têbih pakarti durta | cêlak kang rahayu budi |

--- 2 : 16 ---

têmbe dadya karaharjanirèng praja ||

§ Taun Jawi 1807, taun Walandi 1878, wulan Agustus. [Sengkalan: muji mugi
luhura sariranira jêng gusti (Sênèn, 13 Ruwah 1807 A.J., Selasa, 13 Agustus 1878
A.D.)]. (kembali)

§ Tlatah Sêmbuyan inggih punika Kabupatèn Wanagiri Mangkunagaran ingkang
sisih kidul. (kembali)

§ Tlatah Wiraka inggih punika Kabupatèn Wanagiri ingkang sisih kidul wetan
salèripun tlatah Pidêksa. (kembali)

Kategori

Agama dan Kepercayaan

Arsip dan Sejarah

Bahasa dan Budaya

Kisah, Cerita dan Kronikal

Koran, Majalah dan Jurnal

Referensi

Huruf Jawa

Lambang Fonetis

Penanggalan Jawa

Singkatan dan Akronim